

**Uunga siunnersuut: Namminersorlutik Oqartussat aningaasalersuisarnermik ingerlatsineq pillugu inatsimmik allannguineq inatsisini assigiinngitsuni aalajangersakkat ilaasa allanngortinneqarnerinik peqqussut pillugu Inatsisartut aalajangiiffigisassaattut siunnersuut**

**Saqqummiussissut**

**Siullermeerinnineq**

Matumuuna Naalackersuisut sinnerlugit aningaasalersuisarnermik ingerlatsineq pillugu inatsisip allanngortinneqarnerani, inatsisini assigiinngitsuni aalajangersakkat ilaasa Kalaallit Nunaannut atuutilersinneqarnerannut Namminersorlutik Oqartussat akuersinissaat pillugu Inatsisartunut aalajangiiffigisassatut siunnersuut saqqummiuppara.

Aningaasalersuisarneq pillugu inatsimmut peqqussutip nutarternissaa missingiussami saqqummiunneqartumi siunertaavoq.

Aningaasalersuisarneq pillugu inatsit siullermik 2004-mi Kalaallit Nunaannut atuutilersinneqarpoq, peqqussumnullu allannguutissatut siunnersuummi inatsimmik 2021-mit 2023 tikillugu nutarterinerit arfineq pingasut ilaatinneqarput.

Peqqussummut nalimmassaatit assigiinngitsuupput, ilaatigut siulersuisuni pisortaqaatigiinniluunniit suaiaqaatigiit naammattumik ilaatinneqannginnerannut anguniagassanut kisitsisitaliussat, suliunnaarnermi ajunngitsorsianik aaqqissuussat tamanut saqqummiunneqartarnerat, periutsit nioqqtissanillu nutaanik saqqummiussinernut atatillugu akuersisarnerit, Finanstilsynip direktørinut siulersuisunulluunniit ilaasortanut naleqquttuunermik isornaatsuunissamillu naliliinera kiisalu pisortat sumiginnaanerannut atatillugu pineqaatissiissutinik imaqarluni.

Suliunnaarnermi isumaqaatigiissutit isumaannik atulersitsineq ingammik erseqqissarneqassaaq, kingornalu suliunnaarnermi isumaqaatigiissutit tassaassallutik suliunnaarnermut atatillugu akiliutit suulluunniit aningaasarsiaanatillu sulisunut ajunngitsorsiaritinneqartut. Taamattaaq aningaasalersuisarnermik ingerlatsiviit suliunnaarnermut atatillugu aaqqissuussinernik tamanut saqqummiussisarnissaannik piunasaqaat atuutilersinneqarpoq. Taamattaaq suliffeqarfiup pisortaasa siulersuisut aningaasarsiaqartinneqarnerannut tunngatillugu ajunngitsorsianut nalunaarummik suliaqarlutillu tamanut saqqummiussisassapput. Suliniutit taakku suliffeqarfinni ersarissuutitsinermut peqataaqataallutillu pisortanut tunngasunik ersarinnerulersitseqataapput.

Tusarniaanermut atatillugu peqqussummik allannguinermut tusarniaanermi akissuteqartut oqaatigisassaqaarsimanninnerat Naalackersuisut ilanngullugu maluginiarpaat.

Aningaasalersuisarnermik ingerlatsisut ineriartortuarput, aningaasalersuisarnermillu ingerlatsineq pillugu inatsimmut allannguutissatut siunnersuutigineqartut malittarisassanik immikkoortumi Danmarkimi nunanilu allani ineriartornermut naapertuuttunngorsaapput.

Taama oqaaseqarlunga Naalakkersuisut sinnerlugit siunnersuut Inatsisartunut kajumittumik suliassanngortippara.